

Aþena íþróttafélag leggur til að liðum í Úrvalsdeild kvenna verði fjölgað í 12 lið frá og með keppnistímabilinu 2025/26. Með þessari tillögu vill Aþena freista þess að nýta einstakt tækifæri til að byggja upp og efla körfuknattleik kvenna á Íslandi.

Rökstuðningur

Tækifærið til að fjölga í 12 lið í Úrvalsdeild kvenna er einstakt núna þar sem ljóst er af reynslu keppnistímabils 2024/25 að 12 lið hafa nú á að skipa efnilegum íslenskum leikmönnum sem fá ekki keppni við hæfi í 1. deild kvenna og veita jafnframt liðum úr efri hluta deildarkeppninnar í Úrvalsdeild kvenna alvöru samkeppni (sem m.a. má því að bera saman fjölda leikja sem vinnast með 5 eða færri stigum en sá stigamunur er gjarnan notaður til að skilgreina “close” leiki).

Ef hreyfingunni er umhugað um að fjölga íslenskum leikmönnum sem hafa burði til að spila í Úrvalsdeild þá verður að gefa leikmönnum tækifæri til að byggja sig upp í Úrvalsdeild til að minnka líkur á brotfalli efnilegra og áhugasamra íslenskra leikmanna.

Öll lið úrvalsdeild hafa á skipa fullskipuðu liði fyrir utan Tindastól og Þór Ak (þar sem fjarlægð frá höfuðborgarsvæðinu gerir þeim erfiðara fyrir að fá leikmenn til liðs við sig). Það er því ekki mikið rými fyrir leikmenn í 1. deild að skipta í Úrvalsdeildar lið án þess að það komi niður á spilatíma efnilegra íslenskra leikmanna í Úrvalsdeildinni heilt yfir nema liðum sé fjölgað.

Þetta tímabil (2024/25) í 1. deild kvenna og líklega næsta tímabil (2025/26) þá skera tvö lið sig frá hinum hvað varðar getu: Ármann og KR 2024/25 og líklega KR og Aþena 2025/26.

Tímabilið 2024/25 unnu Ármann og KR alla leiki við önnur lið í deildinni með að jafnaði 29-33 stiga mun. Munurinn er ekki aðeins erlendir leikmenn heldur miklu frekar á hvaða stigi íslenskir leikmenn liðanna eru. Í sumum tilfellum er t.d. um að ræða mjög unga leikmenn. Í aðeins einum leik munaði minna en 20 stigum (Ármann vann Stjörnuna U með 16 stigum). Innbyrðis munaði 9 og 2 stigum á Ármann og KR.

Í úrvalsdeild tímabili 2024/15 gáfu lið sem enduðu í B hluta deildarinnar liðum sem enduðu í A hluta mjög verðuga samkeppni áður en deildinni var skipt upp. Ef “close” leikir eru skilgreindir sem leikir sem vinnast með 5 eða færri stigum þá er ekki tölfræðilega marktækur munur (p-gildi 0.81) á leikjum í deildarkeppni sem teljast “close” á A vs A annars vegar og A vs B hins vegar:

2024/25	“close” leikir	ekki “close” leikir	Hlutfall “close” leikja
A vs A	5	15	25%
A vs B	13	37	26%
B vs B	7	13	35%

Til samanburðar þá voru 15% (17/112) leikja í Úrvalsdeild tímabilið 2022/23 “close” leikir.

Tímabilið 2023/24 var munur milli liða í efri hluta og neðri hluta meiri:

2023/24	“close” leikir	ekki “close” leikir	Hlutfall “close” leikja
A vs A (5 lið)	6	14	30%
A vs B	7	33	18%
B vs B (4 lið)	5	7	42%

Eitt af markmiðum reglugerðarbreytingarinnar 2023 þar sem bætt var við umferð þar sem deildinni var skipt í A og B hluta var að fjölga “close” leikjum.

Ekki hefði verið þörf á því þetta tímabil (2024/25). Í stað þess að spila oftari við sama andstæðing til að ná lágmarksleikjafjölda hefði verið betra að hafa fleiri andstæðinga eins og í Úrvalsdeild karla.

Ljóst er að Úrvalsdeild kvenna var sterkari tímabilið 2024/25 en hún hefur nokkurn tímann verið og og væri afar sorglegt ef hreyfingin myndi missa dampinn núna á þeirri vegferð að reyna að koma kvennaboltanum á sama stall og karlaboltanum.

Getumunur milli Úrvalsdeildar og flestra liða í 1. deild kvenna er hins vegar umtalsverður.

Tímabilið 2024/25 hefur 1. deildin verið tvískipt og efstu tvö liðin fá aðeins 3 spennandi leiki allan veturinn. Augljóst er að þetta hefur ekki verið gott fyrir bæði lið. Það er einnig mjög líklegt byggt á tímabilinu (2023/24) að bæði Ármann og KR hefðu átt erindi í Úrvalsdeildina í vetur þar sem þau veittu Hamar/Þór, Aþenu og Tindastóli verðuga samkeppni í 1. deildinni árið á undan.

Heilt keppnistímabili af auðsigruðum leikjum gerir engum gott og er einfaldlega bara leiðinlegt fyrir alla: keppendur jafnt sem áhorfendur.

Eins og staðan er í dag eru það Aþena og líklega KR sem væntanlega enda í 1. deild á næsta tímabili (2025/26). Það vill svo til að það eru einmitt þau félög sem hafa burði

bæði (i) út frá fjölda efnilegra ungra leikmanna í meistaraflokki til að taka þátt í Úrvalsdeild og (ii) út frá sjónarhorni stöðunnar í yngri flokkum til að geta staðið undir nýliðun í Úrvalsdeild á komandi árum.

Það er einnig líklegt að stökkið til að stofna ný lið og taka þátt í 1. deildinni verði minna ef KR og Aþena eru út úr myndinni þar. Á sama tíma eru liðin sem eru í 1. deildinni að veita hvert öðru samkeppni. U-liðin í 1. deildinni halda vel í við hin liðin. Þróunarhlutverk deildarinnar fyrir leikmenn sem er að taka sín fyrstu skref í meistaraflokki er því augljóslega mætt.

Lagt er til að eitt lið falli úr Úrvalsdeild og hætt verði með umspil milli Úrvalsdeildar og 1. deildar. 1. deildin mun á allra næstu árum ólíklega bjóða upp að 2 lið eigi erindi í Úrvalsdeild eftir hvert tímabil. Aðstöðumunur milli deilda verður yfirleitt töluverður, t.d. hvað varðar “level” á keppni á tímabilinu og tækifæri til að “recruita” íslenska og erlenda leikmenn í hærri styrkleikaflokki.

22. og 23. greinar Reglugerðar um körfuknattleiksmót munu þá verða svohljóðandi.

22. grein ÚRVALSDEILD KVENNA

Keppni úrvalsdeildar fer fram í tveimur hlutum; deildarkeppni og úrslitakeppni. Fyrstu drög að leikjaniðurröðun skulu liggja fyrir eigi síðar en í lok júní. Mótanefnd skal gefa út leiktíma fyrir 1. júlí ár hvert, annarsvegar á virkum dögum og hinsvegar um helgar. Mótanefnd er þó heimilt að víkja frá þessu vegna beinna sjónvarpsútsendinga.

a) Deildarkeppni Úrvalsdeildin skal skipuð 12 liðum sem leika tvöfalda umferð innbyrðis, þ.e.a.s. hvert lið leikur heima og að heiman gegn hverju hinna. Lið raðast í lokastöðu deildarinnar samkvæmt reglum FIBA, ef reglugerð um körfuknattleiksmót kveður ekki á um annað.

Liðið í efsta sæti að lokinni keppninni hlýtur sæmdarheitið deildarmeistari og skal fá afhentan eignabíkar.

Neðsta lið úrvalsdeildar að lokinni deildarkeppni fellur í 1. deild og leika þar á næstu leiktíð.

Að lokinni deildarkeppni hefst úrslitakeppni með þátttöku liðanna í átta efstu sætum deildarinnar.

b) Úrslitakeppni í úrslitakeppninni skiptast andstæðingar í hverri viðureign á að leika á heimavelli og ávallt er byrjað á heimavelli þess liðs sem ofar varð í deildarkeppninni. Um tekjuskiptingu gilda sömu reglur um tekjuskiptingu í Íslandsmóti. Heimalið ber allan kostnað vegna dómara. Allan annan útlagðan kostnað sem liðin verða fyrir greiða þau sjálf.

Fjórðungsúrslit:

- 1) Lið nr. 1 - Lið nr. 8
- 2) Lið nr. 4 - Lið nr. 5
- 3) Lið nr. 3 - Lið nr. 6
- 4) Lið nr. 2 - Lið nr. 7

Hver viðureign stendur yfir þar til annað liðið hefur sigrað í þremur leikjum.

Undanúrslit:

Viðureignir nr. 5 og 6 Liðum skal raða aftur í samræmi við lokaniðurstöðu í deildarkeppni og skal það lið sem var efst þeirra liða sem eftir eru leika við það liða sem var neðst í viðureign nr. 5). Hin tvö liðin leika saman í viðureign nr. 6).

Hver viðureign stendur yfir þar til annað liðið hefur sigrað í þremur leikjum.

Úrslit:

- 7) Sigurvegari úr nr. 5 - Sigurvegari úr nr. 6

Úrslitaviðureignin stendur yfir þar til annað liðið hefur unnið þrjá leiki og telst það lið Íslandsmeistari í úrvalsdeild kvenna í körfuknattleik og skal fá afhenta farandbikar og eignabikar.

Ef færri en átta (8) lið félaga taka þátt í úrvalsdeild kvenna skal mótanefnd ákveða form úrslitakeppinnar.

23. grein 1. DEILD KVENNA

Deildin skal skipuð þeim liðum sem ekki eiga sæti í úrvalsdeild.

Þeim sjö leikmönnum sem leikið hafa flestar mínútur að meðaltali fyrir A-lið hverju sinni er ekki heimil þátttaka með B- eða U-liði. Sjö mínútuhestu leikmennirnir að meðaltali þurfa að vera núverandi leikmenn félagsins. Ekki skal telja þá leikmenn með sem sannarlega hafa skipt um félag eða eru farnir frá félagi sem hluta af þessum sjö mínútuhestu leikmönnum. Séu tveir eða fleiri leikmenn með jafn margar mínútur í 7. sæti í mfl. kvenna A-liða, er ekki heimilt að nota annan þeirra með B-liði (og C-liði osfrv).

a) Deildarkeppni Mótanefnd KKÍ ákveður keppnisfyrirkomulag deildarinnar hverju sinni með tilliti til fjölda þátttökuliða og getur skipt deildinni upp í 1. og 2. deild, verði fjöldi þátttökuliða 13 eða fleiri.

Ungmennaflokkslið kvenna, U-lið, leika í 1. deild kvenna. Þau skulu leika sem gestalið og geta ekki færst upp um deild. Þau geta borið sigur úr býtum í deildinni en keppa ekki í úrslitakeppni deildarinnar. Félög sem eiga lið í 1. deild kvenna er heimilt að skrá U-lið til keppni í deildina.

Mótanefnd er heimilt að veita B-liðum þátttökurétt í 1. deild kvenna. B-lið skulu leika sem gestalið og geta ekki færst upp um deild. Þau geta borið sigur úr býtum í deildinni en keppa ekki í úrslitakeppni deildarinnar.

Liðið í efsta sæti að lokinni deildarkeppni hlýtur sæmdarheitið deildarmeistari og skal fá afhentan eignabikar.

Að lokinni deildarkeppni hefst úrslitakeppni.

b) Úrslitakeppni í úrslitakeppninni skiptast andstæðingar í hverri viðureign á að leika á heimavelli og ávallt er byrjað á heimavelli þess liðs sem ofar varð í deildarkeppninni. Um tekjuskiptingu gilda sömu reglur um tekjuskiptingu í Íslandsmóti. Heimalið ber allan kostnað vegna dómara, en allan annan útlagðan kostnað sem liðin verða fyrir greiða þau sjálf.

Undanúrslit:

1) Lið nr. 1 – Lið nr. 4

2) Lið nr. 2 – Lið nr. 3

Hver viðureign stendur yfir þar til annað liðið hefur sigrað í þremur leikjum.

Úrslit um sæti í úrvalsdeild:

3) Sigurvegari úr nr. 1 – Sigurvegari úr nr. 2

Liðin sem leika til úrslita um sæti í úrvalsdeild leika þar til annað liðið hefur unnið þrjá leiki og hlýtur sigurvegarinn sæti í úrvalsdeild.

Ef fleiri en átta (8) A lið félaga taka þátt í 1. deild kvenna skal mótanefnd ákveða form úrslitakeppinnar.

Núverandi útgáfa af 22. og 23. greinum Reglugerðar um körfuknattleiksmót fylgir fyrir neðan

22. grein ÚRVALSDEILD KVENNA

Keppni úrvalsdeildar fer fram í tveimur hlutum; deildarkeppni og úrslitakeppni. Fyrstu drög að leikjaniðurröðun skulu liggja fyrir eigi síðar en í lok júní. Mótanefnd skal gefa út leiktíma fyrir 1. júlí ár hvert, annarsvegar á virkum dögum og hinsvegar um helgar. Mótanefnd er þó heimilt að víkja frá þessu vegna beinna sjónvarpsútsendinga.

a) Deildarkeppni Deildin skal skipuð 10 liðum, en önnur lið leika í 1. deild. Leikin skal tvöföld umferð þar sem allir mæta öllum. Þegar leikin hefur verið tvöföld umferð skal skipta deildinni upp í A deild, sem er skipuð fimm efstu liðunum, og B deild sem er skipuð fimm neðstu liðunum. Innan hvorrar deildar skal leikin einföld umferð. Lið raðast í lokastöðu deildarinnar samkvæmt reglum FIBA, ef reglugerð um körfuknattleiksmót kveður ekki á um annað. Liðið í efsta sæti A-deild að lokinni keppninni hlýtur sæmdarheitið deildarmeistari og skal fá afhentan eignabíkar. Neðsta lið A deildar telst vera í 5. sæti úrvalsdeildar og efsta sæti B deildar telst vera í 6. sæti úrvalsdeildar. Neðsta lið B deildar að lokinni deildarkeppni fellur í 1. deild og leikur þar á næstu leiktíð. Að lokinni deildarkeppni hefst úrslitakeppni með þátttöku átta efstu liða úrvalsdeildar. Jafnframt hefst úrslitakeppni um sæti í úrvalsdeild á komandi leiktíð, þar sem næst neðsta sæti B deildar fer í úrslitakeppni ásamt liðum í 2.-4. sæti í 1. deild.

b) Úrslitakeppni Í úrslitakeppninni skiptast andstæðingar í hverri viðureign á að leika á heimavelli og ávallt er byrjað á heimavelli þess liðs sem ofar varð í deildarkeppninni. Um tekjuskiptingu gilda sömu reglur um tekjuskiptingu í Íslandsmóti. Heimalið ber allan kostnað vegna dómara. Allan annan útlagðan kostnað sem liðin verða fyrir greiða þau sjálf.

Fjórðungsúrslit:

- 1) Lið nr. 1 – Lið nr. 8
- 2) Lið nr. 2 – Lið nr. 7
- 3) Lið nr. 3 – Lið nr. 6
- 4) Lið nr. 4 – Lið nr. 5

Hver viðureign stendur yfir þar til annað liðið hefur sigrað í þremur leikjum.

Undanúrslit:

Viðureignir nr. 5 og 6

Liðum skal raða aftur í samræmi við lokaniðurstöðu í deildarkeppni og skal það lið sem var efst þeirra liða sem eftir eru leika við það liða sem var neðst í viðureign nr. 5). Hin tvö liðin leika saman í viðureign nr. 6).

Hver viðureign stendur yfir þar til annað liðið hefur sigrað í þremur leikjum.

Úrslit: 7) Sigurvegari úr nr. 5 - Sigurvegari úr nr. 6

Úrslitaviðureignin stendur yfir þar til annað liðið hefur unnið þrjá leiki og telst það lið Íslandsmeistari í úrvalsdeild kvenna í körfuknattleik og skal fá afhenta farandbikar og eignabikar.

23. grein 1. DEILD KVENNA

Deildin skal skipuð þeim liðum sem ekki eiga sæti í úrvalsdeild.

Þeim sjö leikmönnum sem leikið hafa flestar mínútur að meðaltali fyrir A-lið hverju sinni er ekki heimil þátttaka með B- eða U-liði. Sjö mínútuhestu leikmennirnir að meðaltali þurfa að vera núverandi leikmenn félagsins. Ekki skal telja þá leikmenn með sem sannarlega hafa skipt um félag eða eru farnir frá félagi sem hluta af þessum sjö mínútuhestu leikmönnum. Séu tveir eða fleiri leikmenn með jafn margar mínútur í 7. sæti í mfl. kvenna A-liða, er ekki heimilt að nota annan þeirra með B-liði (og C-liði osfrv).

a) Deildarkeppni Mótanefnd KÍ ákveður keppnisfyrirkomulag deildarinnar hverju sinni með tilliti til fjölda þátttökuliða og getur skipt deildinni upp í 1. og 2. deild, verði fjöldi þátttökuliða 13 eða fleiri.

Ungmennaflokkslið kvenna, U-lið, leika í 1. deild kvenna. Þau skulu leika sem gestalið og geta ekki færst upp um deild. Þau geta borið sigur úr býtum í deildinni en keppa ekki í úrslitakeppni deildarinnar. Félög sem eiga lið í 1. deild kvenna er heimilt að skrá U-lið til keppni í deildina.

Mótanefnd er heimilt að veita B-liðum þátttökurétt í 1. deild kvenna. B-lið skulu leika sem gestalið og geta ekki færst upp um deild. Þau geta borið sigur úr býtum í deildinni en keppa ekki í úrslitakeppni deildarinnar.

Liðið í efsta sæti að lokinni deildarkeppni hlýtur sæmdarheitið deildarmeistari og skal fá afhentan eignabikar ásamt því að færast beint upp í úrvalsdeild.

Að lokinni deildarkeppni hefst úrslitakeppni.

b) Úrslitakeppni í úrslitakeppninni skiptast andstæðingar í hverri viðureign á að leika á heimavelli og ávallt er byrjað á heimavelli þess liðs sem ofar varð í deildarkeppninni. Um tekjuskiptingu gilda sömu reglur um tekjuskiptingu í Íslandsmóti. Heimalið ber allan kostnað vegna dómara, en allan annan útlagðan kostnað sem liðin verða fyrir greiða þau sjálf.

Undanúrslit:

1) Lið nr. 9 í úrvalsdeild – Lið nr. 4

2) Lið nr. 2 – Lið nr. 3

Hver viðureign stendur yfir þar til annað liðið hefur sigrað í þremur leikjum.

Úrslit um sæti í úrvalsdeild: 3) Sigurvegari úr nr. 1 – Sigurvegari úr nr. 2

Liðin sem leika til úrslita um sæti í úrvalsdeild leika þar til annað liðið hefur unnið þrjá leiki og hlýtur sigurvegarinn sæti í úrvalsdeild.

Ef fleiri en átta (8) A lið félaga taka þátt í 1. deild kvenna skal mótanefnd ákveða form úrslitakeppinnar.